

عمار مطاوع يكتب - ليه مبيأخدوش إجازة!؟



السبت 7 يونيو 2014 12:06 م

نافذة مصر - نبض الفيسبوك

اليوم عقب صلاة الجمعة ☐☐

دحرجت سيدة عجوز أقدامها وهي تسرع نحو الستترال العمومي في البلدة الذي يضع صاحبه علي واجهته أكبر لافتة للزعيم السيسي منقذ مصر من الإرهابيين ☐☐

استلت السيدة من طرف طرحتها السوداء المنكمشة رخيصة الثمن فاكسا كتبه محاميها إلى النائب العام حول اختفاء ولدها المعتقل صباح اليوم قبل الصلاة ☐☐

وما إن رأى صاحب الستترال محتوى الفاكس .. حتي ألقى به في وجهها صائحا في عنف: مكتب النائب العام مقفول النهاردة .. النهاردة الجمعة .. إجازة .. وبكرة السبت علي فكرة .. إجازة برضه .. وبعده الأحد .. إجازة عشان السيسي هيطف اليمين ☐☐ تعالي يوم الاتنين بقي وعليكي خير!

أجابته السيدة بطيبة الفلاحات: هوا فيه بلد يا بني في الدنيا مكتب النائب العام بتاعها بياخد إجازة!؟ هوا فرن عيش!؟

حافظ الرجل علي عنفوانيته وهو يجيها في حدة: ارحمهم بقي من الرسايل بتاعتكو دي! .. أيوة ما يخدوش إجازة ليه يعني!؟ .. مش بني آدمين!؟ .. فيه حد في الدنيا ما بياخدش إجازة!؟

لملمت السيدة أوراقها المتناثرة علي الأرض وهي تتمتم بصوت يسمعه صاحب الستترال: طب وهما الناس اللي بيعتقلوا عيالنا كل يوم من البيوت والشوارع ما بياخدوش إجازة ليه!؟